

思伯子堂詩集

思伯子堂詩集卷二十一

建甯張際亮亨甫

韶州元日醉歌

甲午

長安元日避不出客裏茲辰翻謁人幸非殘杯與冷炙

可無杜老潛悲辛

是日王柳溪觀
察留飲署中

開口已聞話盜賊當

官屢歎何清貧今時如此見者少談笑我亦忘其真歸

來忽忽日已午登山

復登郡治
後整冠亭

泛舟復歌舞問君慷慨

愁幾許琵琶如雁水中語黑頭不遣作三公青眼何當

待千古夜燒華燭照黿鼉醉橫寶劍繞龍虎豪士昔有

姚石甫大名太守寓宣武水部風懷亦坦率四人對酒

氣軒舉丁亥元日在都下時姚石甫大令寓鹿春如比部宣武門寓廬同年年一樵工部亦寓焉鹿前
歲守嗟我飄零獨江滄漏盡不眠聽鉦鼓安得三太白
大名百東坡朝游匡廬暮岷峨百年三萬六千日日日痛飲
母蹉跎重爲祝曰翠華之亭翳女蘿蒼梧西望浮雲多
有窮者士無潤阿美人且盡金叵羅與汝賦命輕風波
今宵不飲奈明何

初二夜大風舟幾覆禱而幸免慨然作詩

山石若渴虎呼吼生長風怒掀山江水裂地騰蛟龍我
舟跨中流簸蕩無西東鐵貓一千斤下墜如飄蓬是時
夜昏黑鬼嘯行虛空但聞羣號啼鄰船倏無蹤三老糾

索燭火滅已去蓬絕岸亂向背駭浪交撞椿忠信豈足

特焚香要神功須與震疾雷死氣回生容舟危甚篙工

天命而已余乃焚香禱於吾鄉天后神未幾疾雷一聲篙工皆曰無憂矣雷則風柔矣已而果然可憐

少作客幾度煩憂忡丙子六月閏江丙戌三月楚江辛卯三月淮河皆逢暴風轉痛

父兄艱歲月江湖中天道喜往復人事察始終煦煦固

非仁幾使隕厥躬連日晴暖若初夏風復利舟人開頭一里即泊舟中流復至韶州酣飲余

以新歲人情之恆遂不之禁戒故幾於危浩歌幸自戒未敢嗟途窮

寄曾勉士釗同年

歲晚一爲別春風歸柳條美人隔珠海江月共迢迢觀

世有清濁著書無暮朝他年和鸞嘯采藥向西樵

寄懷伯仁丈

瘴江煙雨晝冥冥五渡三楓作意青
無數雲帆隨去鳥
有時風笛動離亭故人病隔重城遠
倦客愁兼宿酒醒
皖水春來如碧玉相思何日竟揚舲

胡擬於二月度嶺

寒意

遠山黯夕光空碧動微茫
寒意不離水歸心倍戀鄉
花孤憐雨久樹老覺村荒
萬物正蕭寂流波何太忙

歸度大庾嶺

晚澗碧潺潺梅花開滿山
天臨百蠻盡雲出九江間
近遠峰爭日嵯峨壁倚關
觀風徧南紀莫怨此空還

謁先文獻公祠

盤空石棧似衰斜，斷壁巉巖列虎牙。此去山川連桂嶺，
古來關塞幾梅花。時平不必防戎馬，祠古今聞噪晚鴉。
漲海當年原善地，劉郎漫有五溪嗟。劉禹錫貶連州乃
言流官不宜與善地，故卒無後云云。然唐時嶺南節度
已爲雄鎮，其僚佐乃一時名流，未聞有瘴鄉之感。然則
諸臣過嶺而憤恨不平者，皆爲遷謫故耳。豈必果其地
水土惡劣哉？今中外一家，南北富庶，然南方實樂於河
朔。以今推昔，亦可知也。禹錫不自悔咎而怨懣及于已往之名臣，何與？

曲江風度想平生，早信漁陽禍已成。名與朱姚參一代，
詩先李杜得中聲。秋風羽扇孤忠感，夜雨淋鈴遠幸情。
祠祭已傷元老意，九原應戀翠華行。

千嶂誰平古險巖濟人才大小猶宜石牛不假通途智
海燕重思感遇時故宅煙霞餘氣色平國傳係公故居雄關草
木肅威儀武襄未敢梁公埒落日興哀子美詩

登入境臺

章貢無情此合流歸人度嶺倦維舟閒游玉局原如寄
悵望金臺始欲愁空向江湖懷魏闕不緣廟食與封侯
年年但祝民豐樂老我何妨狎野鷗

贛州始覺有春聲鉦鼓連宵火樹明轉歎災傷半吳楚
去歲水患甚劇况聞盜賊似韶英嶺南韶州英州劫掠頻仍登高畏
見雲千里向曝真思日一晴多謝淮南賢太守謂汪孟榮先生

朝來能遣酒杯迎

汪太守重建濂溪書院屬爲詩落之

郡邑皆設學書院義傳之兼儲草澤材以爲

朝廷資煌煌建置初

帝王開宏規如何不學徒在公營其私安知風化本說
禮而敦詩汪侯意氣豪顧盼英雄姿作郡於虔州
有設施始念竊悍俗頑梗必剪夷盜去里巷靖過客
憂危乃度義倉工乃拓試院基乃新斯堂宇千間煥
巍凡此興作費金錢百萬奇此才官司農何至絀度
支天子置左右富教庶可容盤錯困利器對酒來吾
悲座

上有客言因緣應以時創治亦癸巳汪侯實來治書院
前癸巳太守汪公某及去年癸巳落成我願此州人共
實一百八十年而太守復同姓亦奇也式周程師庶見陽學士不愧東坡知徘徊夜話亭慷慨
四海思吾行狎沙鷗泊泊後語誰

惶恐灘

惶恐灘頭不見灘惟聞碧水自潺潺孤臣去國千年淚
閱慣沙鷗只等閒山憶喜懽勞遠夢地名惶恐泣孤臣蘇文忠句也

留取丹心照汗青至今信國足清名後身尙死揚州士
有弟居然亦再生惶恐灘頭說惶恐零丁洋裏歎零丁人生自古誰無死留取丹心照汗青
文信國句也世傳史閣部係信國後身
史公弟仕本朝信國弟亦降元也

十六夜泊張家渡北風甚厲而星月滿天感念故

園舊游淒然成韻

夜燒華燭春江上忽憶生平浩淒愴故人回首幾存亡

存者寂寥我何向當時懽樂誓不知城西看花城北馳

紛紛桃花照溪水溪日欲落花風吹乙亥丁丑間每與

洲或在徐家園亦有絳桃樹城南池館此最佳花時碧

雲橫日暮乙亥丁丑間藕亭先生館水南徐氏園有花

前月出照黃昏詩情淡與春無痕落盡梨花始不出已

令一月忙金尊熊丈與阿兄年皆餘四十我時年小許

長揖酒闌對花或自泣同時謝與朱謝秀才鵬飛真率

亦有餘憐我疏狂受羣謗勸我發憤窮詩書彈指如今
二十載頭白惟看熊李在溪上年年花自飛無人攀折
柯條改天涯處處足風波况是中年哀感多老去謝安
眞恨別愁來子野畏聞歌亦知人生總幻夢對此茫茫
那無慟五嶽經時憶向禽孤舟永夕羈章貢眼見頻仍
吳楚災貂裘駿馬滿燕臺關中半是輸邊客海內誰非
濟世才歸飛只羨雲閒鶴露重霜寒免飄泊江山風月
一征人青鬢蕭疏已非昨舊游細數不分明何意千秋
萬歲名莫向黃公壚下過桃花煙雨欲清明

吉安望青原山

白鷺洲邊芳樹遲青原山下去帆稀江天風滿數鴉沒
山寺雲深孤塔微先後孱王同有恨東南名士半無歸
終憐藥地飄零迹侯冒他年孰是非

曉過峽江

峽口依依月猶隨曉日明江清山有影天碧雁無情客
久去程熟春來離思生露花與煙草到眼太縱橫

二十二夜泊蔗林大風夜泊溫家鎮風益厲慨然
有作

昔來雨雪哀歌地聚落重過半廢洲已惜民稀母怨盜
漸隣身老厭封侯年荒轉作求田計風厲翻如出塞游

思作子室詩集卷二十一
眼底蛟龍多跋扈只宜歸臥狎輕鷗

臨川舟中見花

江天煙靄畫濛濛隔岸花明似雪空黃鳥若爲春易暮
盡情啼雨向東風

過建昌望瀑布

千嶂碧芙蓉嵐光浩滿空吹來雲海氣散落九天風歸
去吾將隱山晴雪意同余家望金鏡瀑布最佳所謂金鏡晴雪是也白頭應
跨鶴來往水簾中

舟中見梅花

嶺南十月梅如雪江上新年雪作花已惜流光同旦暮

況逢春色總天涯夕陽曉月棹孤倚暗水明煙風半斜
望裏村原正寥落眼明喜見揀枝鴉

泊漁梁

竹密鳥聲雜溪明花影通遙看似雪處無限夕陽風生
物靜多感春心清滿空軍峰片雲外蒼翠壓孤篷

南昌遇劉菊士孝廉遂連舟至南豐口號贈別

薊門一別又經年那意章江對繫船海內論才幾龍虎

道旁啄肉半烏鳶

南昌餓殍載道吳楚亦然

挽車采藥吾將隱鰲角

乘舟汝自仙共有慈親歸去好風沙何止滿幽燕

送敦復歸建州

碧山已涼露漲海又秋風去棹看孤雁歸田聞百蟲離
心醉時永幽夢古人通萬物皆搖落誰能歎轉蓬

九月初三日杰夫招同西堂霽然梅友价岩旬卿
修樓燕集道山文昌閣口號

海天風雨入蒼茫談笑依然一酒狂大好江山屬吾輩
高瞻星斗接文昌重雲壓水氣皆白老菊迎尊秋欲黃
記取他時觀晚節眼前富貴有滄桑

酒中書扇贈林二

觀成霽然

秋色蒼然萬里來登高痛飲壯懷開馮唐遇主思前事
李蔡封侯感下材樹老盤根盡龍虎劔長騰氣卽風雷

尊前一醉斜陽盡期汝悲歌市駿臺

初六日揭曉後走筆爲杰夫書素練

四海紛多故吾生亦有涯龍蛇寒欲蟄鴻雁暮何之攬
鏡驚容鬢登樓閱歲時天邊好明月長與照歸遲
昨夜楓林葉蕭蕭下碧流蒼山暗南浦歸夢滿扁舟薄
酒難成醉孤懷易覺秋不須問漁父逝矣狎沙鷗

西湖三舟圖爲葉五

倬昌

卓人題

康熙乙巳王西
燕先生罷官後

游西湖時葉陽朱觀察構李曹學士先在此三人
日游湖上刻有三家酬和詞曹歸而燕山楊太常
繼之西樵既歸晉江林大參命工作圖贈觀察而
西樵先生在揚州見此屬蕭君晨臨本今卷中題
詠皆遺老及
當時名輩也

思伯子堂詩集

卷二十一

八

六橋垂柳自依然不見王郎打槳年
忽漫披圖感陳迹
半湖煙水落尊前

宋楊文采總凋零卻爲西樵憶
阮亭寫徧關前楚江色
不知何似此風船

漁洋先生摘星樓閣浮雲裏一傍危闌望楚江之句江淮閒人多寫作畫

圖

劫後江山畫不成風波宦海况堪驚
閒情輸與尙書好

蘇小門前記雨聲

卷中龔芝麓先生有詩云殷勤爲喚東華客蘇小門前舊雨情

早達奚如晚遇佳陳髯不負好風懷
歲寒欲報梅花使
騎馬何年共

御街

余屢試不遇往歲黃樹齋給事周小湖侍御屢欲奏請開博學鴻詞科屬余屬草余力謝之今卷中

有陳其年先生詩先生年踰五十以是科入翰林其書甚拙而頗好聲伎皆略與余同故賦及之

君家兄弟似三王累月園林對舉觴亦有西湖城福州西好

雲水夜來中酒夢漁莊

十七日西堂杰夫价巖葉十五仲勤景昌十七旬

卿各攜酒至洪山橋餞余口占爲別

逝波不西歸吾生非少時萬事若在眼靜念倏已非灼

灼江天花嫋嫋秋風吹風吹故人酒淚落游子衣昔別

曾幾時庚寅冬西堂价巖今別思前期風花正飄搖人句卿亦送余至此

事那得知對酒且莫悲皦日同西馳俯仰旦暮閒見我

扶桑枝

舟中偶作

空際碧氤氲天高正夕曛一江青果合千嶂白雲分村
遠孤光見秋清眾響聞扁舟歸興好能不惜離羣
五載重相見人情勝故園江山秋痛飲風雨晝高言說
劍頻移燭投詩每叩門竟忘羈旅倦返櫂愴歸魂

歸舟

白雲出江天照我遲歸舟不知千載下誰見閒沙鷗得
歸自無失山水况好秋綠波映幽石碧樹垂芳洲天南
露華秀晚翠不可收翻憐草木落九月悲薊邱富貴異
戚戚貧賤亦少休西望眾峰深煙靄吾能求

方口

秋聲蟲響急至夜尤清虛蕭蕭落江風遠近倏有無夢
中覺月冷酒半憐天孤西招長庚嘯閭闔不可呼野宿
信波濤談笑魚龍趨未應一葉舟不及三蓬壺青霜凍
碧落桂樹連根枯空江似明河迢迢仵黃姑

秤鈎灘

怪石全吞地驚湍曲駕風一篙鬪神鬼萬死脫沙蟲白
日光先澹蒼山勢更雄出灘猶悵望十載此怱怱

三都口

夜雨落江空沙天響百蟲瘡痍雙眼外愁病一舟中懷

古知天意哀時望，歲功秋禾應更好。歸臥慰山農。

岳溪

斜日風林動，重山暮靄浮。數家懸絕岸，萬石擁孤舟。客久悲歡盡，村荒氣色幽。多情雙浴鷺，爲我立沙頭。

十里庵

江暗孤螢度，山高細火明。秋風餘一劒，何處許平生。永夜依南斗，扁舟滯北征。素書空在抱，黃石夢相迎。

城門瀧

絕壁抱江幽，青蒼萬石秋。入雲牽纜出，沈日覺天浮。人語山時應，風鳴瀑亂流。脩脩楓柏外，誰見繫孤舟。

礁石

大星動山脊流照半江明岸樹垂秋影灘風答夜聲數
家茅屋閉一畝水煙成不寐聽寒吹蕭然野興生

上洋口

遙憐雲水際煙火黯蒼蒼風色千家暮秋山一鳥長故
人江上去時式軒在豫章殘月酒邊涼誰更吹橫笛知應怨早
霜

過順昌

夜烏隨片席送我海門游

七月五日至光澤主喚奎太守家七夕日登舟由邵武過

此下會賦

一醉荒城酒重來落木秋山蒼明晚照天澹見寒

流誰看樵嵐月西風滿去舟

漠舖曉發

殘月不墮水秋江成曉煙濛濛四垂樹黯黯獨歸天黃
鳥故多語青山誰晏眠因悲古豪士投老戀林泉

苦嵐

一村入幽谷萬綠暗浮天嵐氣常成雨谿聲亂墮煙山
農如熟識土屋話豐年禾黍西風外翩翩夕鳥還

過挽舟嶺

曉行發杉陽午食至楊口坡坳轉深曲淒日冠嶺首極
望氣蕭蕭長楓閒楓柏亂葉炫丹黃盤根錯蒼黝復與

仰向天百鳥飛在後千仞石磴懸一步瞬入九荒庵坐
俯瞰衆山皆培塿青峭數峯高秀色動南斗吾行半天
下幽討徧林藪豈知茲境奇悵別故鄉久貴遠賤近情
於吾亦何有轉歎身世閒萬理了可剖僧徒餓死盡野
老貧見肘閱人總艱難撫心良汝負欲下更螺旋谿谷
若呼吼倒翳石蘿深松風亦左右雲端忽返照僮僕疲
奔走炊煙茅店來醉臥拚村酒

學前

學前風景渾宜畫子等浮嵐蕩翠屏城際樓臺疑北固
烟中水樹似西陵馬看年少香閣啼鶯喚老僧

誰與憑臨話人代眼中雲谷有衰興

風流令尹迹全蕪每憶承平樂事殊三載奇荒難禁暴

萬家凋敝急催租出陳何止紆胥飽糴賤如聞比戶蘇

民靖何妨官跌宕起看城外月輪孤

康熙開邑令章全人與幕客戴雪村

學士瀚月夜常飲於小西橋在城外與學前相望

太弋飛流萬仞青穹岩絕谷晝冥冥山川佳氣長今古

風雨諸峰在戶庭但與閑官高擁枕不聞奇士偶鍾靈

會須獨荷長鏡去遙望宮牆一拜經

行經鏡山下作

敝廬望茲山遠若在天際偶經山下行雲嵐蒼蒼翠寒

陽透熹微映村光若墜樵路入空虛炊煙出深翳風中
一鳥嘯霜葉颯滿地蕭條崖谷聲遠近竊相次溪洄水
雜奏峰側石多異心賞一以孤悵然難留憩

至均口宿藕亭先生家次日賦別

一村流水色萬葉夕陽聲留醉霜松晚因荒社穀成暮
年娛幼子餘事及蒼生五載空爲別因傷道路情

南豐別菊士時君將與桐舫入都

一年三度此相見

今春別後六月再至
此諸友燕集甚懽

萬里長征誰得

閒同值海饑能不死正思當世或投艱邊風朔雪關河
北匹馬孤舟天地閒恨少離觴醉寒月且看暝色立沙

灣

見掃落葉者

余幼育於乳母家三歲始歸後八九歲常往省
焉乳母故貧甚值歲暮煨薯芋爲粥與其子入
山掃落葉拾枯柯爲薪炭然其時意甚樂也今
乳母死十八年余不至其家久矣思向者之境
殆不可得偶行金谿道中觸目成韻甲午十一
月望日

陂陀百年樹霜葉紛蕭蕭村童拾爲薪歲晚逸老樵天
心無棄物養人及枯凋獨愧七尺軀渡落昏與朝轉憶

少小時入山攀柯條下有千歲墳上有長風颭落日照
簸簸負歸行且跳啜粥飽卽懽走鄰索笑嘲安知倏二
紀貧困仍簞瓢邱山愴生死道路傷蓬飄浮雲東南征
西暉不可招黃鵠側翅飛誰能歎鵲鵲

風雨徑東鄉山中

萬山寒氣若立馬孤客車聲如落鴉卷地長風吹雨急
黑雲滂出草亭斜
溼盡征衣尙未停溪山煙火晝冥冥一羣翠鳥衝人過
吹落梅花風滿汀

安寅

小邑俗何敝豐年民未蘇新聞議鹽法且復急秋租日
暮烏誰止天寒雁自呼舟車厭來往觀世得長吁

涼散亭

在萬年山中

老樹禿臥地孫枝青蓋天蒼寒太古氣空闊一家煙歲
晚寒炊葉村平暝帶田倚門嗟少婦豔不自哀憐

樂平至鄱陽山中

迴合重峯外長松氣滿山人煙散谿口風色聚烏鵲日
落看天遠年荒閔俗艱番君有英魄相望暮雲閒

至日

在浮梁從兄宅

此日復何日無家忽有家禮存吾父意

先君子在日此日必祀先世集

羣從飲福今醉忘異鄉嗟霜氣寒嘶馬山光暮落鴉荒

從兄家亦然村惜流景况憶幾天涯

頻歲此日在客中

別從兄際時

從伯兄少客浮梁邑西鄉二十五里日逢衝排及兄將入九十年矣余以

族事繞道至此留五日臨行作詩

同祖愴式微遷徙半異地君昔歸故鄉吾方客幽薊及

茲幸相見苦留十日醉嗟余困飢驅遲暮急征騎相期

大門戶何以振衰世富貴亦偶然誰能棄仁義深村霧

朝雨草木聚寒氣出門聞鴉聲看雲知雪意征車豈不

勞萬里久如寄道旁感諸子遠送一停轡踟躕欲何言

孝友勉相繼倘思葉家山騎馬踏蒼翠

兄有別宅在葉家山二十三日

思伯子堂詩集

卷二十一

五

雨中騎
馬往游

兩行鄱陽道中野宿有作

青萍腰下劒難割垂天雲出門冒寒雨輕車如雷奔暮
投村野宿不問何主人側愧僕從勞凍餓簷下蹲亂髮
若新沐泥塗汚其身卻來持我衣霑灑何足云蒼山送
晚霽夕鳥鳴籬根蕭蕭風林聲月暗中夜喧幽懷耿不
寐萬籟時有聞浩歌望千古志士多苦辛

建德

我從浮梁來三宿至建德重山勢互天晝昏慘如夕村
墟久蕭索滿地碎瓠甍謀生及茶蔬墾種到另則畦陸

細盤雲高下疑介畫道旁詢父老猶言苦無食安知殫
人勞實已窮地力頻年江水漲東南半淹溢俗敝盜何
多民生困安息荒城負山崦霧雨壓城黑敝車破曉行
望遠百憂積飢鴻豈自哀老驥復誰惜出門卽太行到
眼盡中澤悲歌倚長劒冉冉鬢將白

雨行

雨行二十里母子正朝食出火餉以魚憐我飢寒色且
言今年荒小人苦勞力老親幸一飽暖粥兒在側我聞
再三歎似爾誰能得栖栖歲晚行十載空憂國室有凍
餒嗟高堂淚垂臆驅車念稅駕無地容休息浮雲蔽高

天須與四野黑簷鳥凍不飛孤鴻去何極

宿宋家埠

屬東流

野色寒光百里閒草亭坐見皖公山朔風滿地江雲冷
夕雁橫天尙未還

風雨渡皖江

迎江寺前江水長迎江寺外北風狂我行忽近寺門塔
寒雨瀟瀟非故鄉

過樅陽弔劉海峯先生

漢武樓船江水東射蛟壯氣浩橫空高臺屹立人何在
豪士重來筆亦雄已許鯨魚掣碧海可憐龍虎失雲風

蒼山老屋羅煙雪萬古銷沈貴賤同

望九華山

李白何年復放舟長風不斷大江流九峯秀作青蓮色
天外安知太華秋

江行絕句

十六年前二十時朔風送酒復催詩今來才思因何減
惆悵江空鳥去遲

沙雁啼風更水鴉蕭蕭千點到天斜生憎楊柳無情思
落葉斜陽徧酒家

雪後千峰遠更明中流忽黯暮天平江山雲靄初爭夕

一片空寒畫不成

橫笛誰吹倚舵樓
天青江碧數帆秋
無端卻怨關山月
那得征人不白頭

風定流平各挂帆
冰霜遙夜溼征衫
煙中人過鷗驚起
水外山浮月半銜

雲際微分斷塔青
水天積氣浩冥冥
三年江漲痕猶在
父老無家有涕零

天塹蒼茫六代非
大江千里尚清暉
扁舟此去吾何往
獨弔青山李白歸

白鳥

白鳥孤飛靜滄江遠影明不爭鷗鷺食獨抱雪霜清下
視見千里高寒時一鳴人閒少丹穴歲晚復長征

守風蕪湖十六夜見月口號

朔風起西北塞雁滿雲端吹徧長江月東南天地寒千
檣帆正隱萬樹葉俱殘畫角孤城外流光逼歲闌

風雪

風雪冷鳩茲寒空去鳥遲雪寒黃海外月滿白門時暝
色愁江動鄉心逼夜知孤帆滯三宿歲晚負歸期

蕪湖別雪椒觀察五十韻

慕道悔不堅虛名恨太蚤致謗匪無由冉冉恐將老平

生舊親愛幾人送懷抱辱公於我厚忘分屢傾倒別來
述所聞忠告而善道顧余雖賤愚豈敢自棄暴古聞剛
則折干莫未爲寶江河萬里流孺子狎潢潦蘭艾忌同
生邢尹必相媚知幾愧明哲往事重懊惱大府采文獻
使者薦張鎬馬卿特雍容免園牛羸耄談笑有猜疑傾
軋無朋好罵坐傳灌夫書空謂殷浩曾參能殺人不疑
乃爲盜遂使師門知始終已難保死去復誰明悲來祇
自悼詩人惡青蠅騷人感芳草眾人何是非愛憎隨臆
造道塗互聽說瑣屑如里媼憶昔北游燕羣畏南方獠
過情恥聲聞尙志頗孤傲當時兩巨公文戰樹雄纛自

許韓昌黎網羅徧郊島余本山野性不解媚與寵無實
貌敬恭去之迹如掃謠詠倏紛騰摧抑轉高蹈作書絕
巨源致死任王導幾成洛蜀黨不爲牛李報至今多側
目何年息羣譟方公宦京華憐我每覆冒歸嫌譁流言
久欲與奔告乍逢羣舒地雨雪相慰勞壯氣吐虹霓傲
裘對旌旄狂奴態猶故范叔寒始煥醉歌揚去帆水冥
天顥顥皞皞北風惡五日困寒隩水霰蹴長空飛馳萬
騎到孤蓬縮首坐閉塞卯在范公來更授餐微婉申誠
詰登舟送遠行再三若論討仁者春滿胸吹噓長枯槁
不材慙薄植培覆信蒼昊悠悠當世情變幻不可考但

思伯子言集卷二十一
看詆毀私於吾竟何憐生存炙手勢身沒等浮滂固知
金石貞不畏鑠火燥公懷自愷惻余意豈桀鰲僧孺庇
杜牧灑泣憂心擣終當戒傷春且復慎投繯

寄翁蕙卿

蕙卿名時稗有雋才今年在福州屢來訪余投
詩枉贈擬以太白余病不能答於心闕然既謁
太白墓悵觸於懷乃作此寄之

翁君年少才甚奇自云十載好我詩秋風江上動落日
痛飲坐對孤雲遲和歌何殷勤謂我如太白我時醉舞
拓金戟回首揚帆別晉安扁舟已是姑溪客卻尋小謝

居來訪太白墓縱酒吟詩亦偶然醉魂縹緲真仙去問
余何所或相似倚馬萬言聊戲耳世皆欲殺幸生存游
徧東南好山水登高曠觀天地閒大江茫茫去無還我
誦此語興超忽眼前豈必非廬山夜來更渡天門月亦
復皓如山陰雪祗今直北是長安笛中悵望梅花發人
生萬事難可期浩若海上三山乍明滅秋風吹雲雲已
飛我行夢君知不知還將手醉太白酒獨弔荒寒牛渚
磯

青山

元暉昔罷郡偶治茲山宅秋色見宣城天連楚江色風

懷似康樂世遠空遺迹飄零李謫仙低首及泉石

遇王亮生

璽

廣文有贈

君時客太平沈侍郎師學使院

見君已是三年別惜我常爲萬里行無福著書消縱酒
有時論事抵談兵新寒楚雪連牛渚往日梁園滯馬卿
君累游學使幕今客吾師幕中亦已數年安得洞庭同卜宅對思京洛倍含
情
君家於東洞庭山

登采石謫仙樓徧閱壁間題刻因命僧徒置酒歌
太白詩覺天風自來大江不去白日旣昏繼之以
燭而余醉矣得二十八字

李白來游亦偶然至今明月滿風船天門秀色連江水

小謝青山在眼前

蛾眉亭

絕岸蟠牛渚孤亭石壁閒詩情此天地戰氣古江山故
壘經潮盡輕舟問月還因懷高詠客楓落滿沙灣

太白樓蕭尺木畫壁歌

前見太華月後見蛾眉雪香鑪瀑布下奔騰日觀朝霞
上明滅偉哉四壁一照眼乃有千巖萬壑爭奇絕謫仙
仙去不復返詩魂應在江上之青山不然遊戲煙雲縹
緲間朝登落雁巔夕眺彭蠡水手持玉井妙蓮花散髮
天門笑東海或騎鯨魚跨白龍下視巫峽娟娟十二峯

三峯相映何巖崿太古積素無人蹤化爲飛流百千仞
萬里來助長江雄魂兮歸來上有楓楓林蕭蕭月欲曙
錦袍載酒知何處壁上呼之或可聞樓前一鶴橫江去
蕭君落筆如有神荆關董巨誰等倫手驅濤嶽出咫尺
令我想見一生愛入名山人當時儻使對粉墨臥游應
老磯頭春卽今埋骨尙傍小謝宅無此丹崖碧嶂爭嶙
峩我嘗東登岱宗頂悵望人間一秋影乘舟四度揖怪
君夢到屏風九疊雲觀此不覺清心魂目所未見奇亦
存吾聞蕭君乃遺民固宜筆跡遠過趙王孫特與茲樓
照耀江之濱誰招謫仙傾一尊太守之書何足論

秦淮

金粉江山認六朝
秦淮風柳自蕭蕭
棲鴉數點斜陽裏
啼徧春愁在板橋

莫愁湖

湖上何人打槳行
石城山影恰分明
如何看黛長秋色
鏡裏含愁管送迎

游瞻園作詩

瞻園舊是中山府
我來尙識園林古
一朝劫火燼江山
百戰功名賸塵土
王昔崛起從高皇
勦伐遠過傅李湯
行軍智勇若武惠
得主始終如汾陽
此園當時出天賜

賜坊特表大功字草木猶承雨露恩簷楹盡接風雲勢
可憐世守二百年邵平豈信無瓜田故家祇賣園中石
漁稅難徵湖上錢祇今管領歸方伯傳舍流觀改金碧
古槐疎冷令公居大樹蕭騷馮異迹鍾山相望鬱崔嵬
高皇將相皆雄才子孫蚤有留都變甲第那無易主哀
且如一帶秦淮水十六蕭樓燦如綺丁字簾前夕照非
霜笳吹月秋風裏陪京宮闕更何存盡作新豐雞犬村
前明舊山今漫言江令青溪宅不記王郎烏巷門匹夫
爲駐防所居佐命真殊遇人代興亡自天數王存威望在乾坤王死
神靈與呵護君不見孝陵松柏守祠官芝蓋今游花未

殘高宗游此園千載君臣同氣象路人莫作廢園看

二十八日登燕子磯作

大江東去黃天蕩曠望天長入海流六代山川餘王氣
一年歲月盡孤舟蛟龍夜傍危亭嘯鶴雀寒摩絕頂游
莫問興亡成底事衰蘆殘柳點汀洲

眞州除夕

時石甫刺史爲鹽務司馬在此余至而刺史往揚州故泊舟待之

去年韶州城今年眞州郭萬里浮雲定笑人何事相隨
憤飄泊眞州使君於我厚出門誰與致杯酒天晴風利
不肯發坐待雄談對搔首君不見李太白舉世無相知
獨有賀四明長安買醉輕金龜世人謂我今何爲飄然

行路歧有歧請君試看橫江雁應識人生高下時

思伯子堂詩集卷二十二

建甯張際亮亨甫

眞州別石甫刺史

乙未

海內論交十數公寥寥天地各飛鴻
虛名當世誰劉表豪氣斯人自孔融
報

國心孤終結

主著書才大亦稱雄
江寒酒罷征帆遠回首難忘況病中

登金山口占

正月二日

東南形勝雄京口
天水蒼茫積氣昏
白日一鴉橫絕海

青山萬馬斷中原風檣易過遊人跡杯酒難招戰鬼魂
千載廢興如昨夢故應坡老望江源

昨在蕪湖守風八日竟不謁左田宮傳頃過鎮江
亦不謁蘭卿觀察以頻年困瘁無以對老成知己
也然耿耿於心未知再見何日輒復有作

萬里一黃鵠飄飄出海涯爲慙丹穴鳳不傍碧梧枝朔
雁同爲旅西烏對忍飢春風到江上矯翮入雲遲

大尹家村

自京口乘單輪車至金沙輿人乃丹陽

宿其家且指曰十八里松樹下卽我家也棖觸於懷夜中口號二十字

遙指長松樹前頭是我家春燈明草屋獨醉覺天涯

至金沙木民同年大令留宿署中出示近作率題

其後

鳳城一別楚雲長悵望音書數雁行旅興正如乘夜雪

時欲至揚州訪蘭卿觀察踐金焦之行約聞君在此遂迂道來訪而輟揚州之行仙才自合領華

陽飛豪對客無留牘橫槊論兵亦舉觴枯樹可知生意

盡庾家詞賦足蒼涼

君屢歎余比來豪氣頓盡

慷慨悲歌更自豪百年綺語薄詞曹江南吟徧青山曉

歷下才爭白雪高

君詩酷學滄溟

誰識代公如寶劒

郭代公未遇時嘗賦

寶劒篇以自况君前年里居賦年將軍寶刀歌甚工

古來楚客擅離騷相期痛飲

天門月千里波光擁錦袍

忠伯子堂詩集

卷二十二

二

清笳畫角看荊州圖爲木民題

圖爲木民乙酉秋入都屬劉雲叔孝

廉所繪其句則江陵譚曉塢先生題荊州龍山驛詩中語也余愛譚原詩因次其韻

十年王粲倦登樓寫出龍山別路愁莫怨洞簫兼玉笛

鄂州明月下黃州

夔府山高落日橫蒼然楚塞動寒旌哀笳暮角江城上

一夕秋風萬里情

慣爲夢得竹枝歌回首朝雲故郢多卻到幽州聽蘆管

青山餘淚付田何

此日誰銷望遠魂琵琶寂寞漢時村江南水閣銀箏語

知是荊州是薊門

作前詩後有餘興再題四首

迴合江山望戍樓登高送遠楚天愁如何夕照邊聲急
早似燕雲十六州

野火寒蕪燒縱橫將軍罷獵散霓旌併將嗚咽關山恨
催盡征人去國情

莫憶烏孫楚主歌荆南吹出朔風多蕭蕭更下波閒葉
匹馬江亭奈晚何

黯澹天秋似夢魂水村人遠更山村不須更聽羌兒笛
回首嚴城卽玉門

附錄曉塢先生原詩

龍山晴雪映城樓
驛路高低迴動愁
過客柳門都勒馬
清笳畫角看荊州

紅板山橋野店橫
毵毵楊柳拂行旌
世閒剛有黃金縷
不繫歸情繫別情

誰唱驪駒長短歌
江陵名士鯽魚多
楚天漠漠黃昏雨
王粲登樓可奈何

十里長亭欲斷魂
昏鴉無數向前村
可憐青笠紅衫

客斜日寒天度郢門

先生題後有雲南公車北上過驛見此詩潸然下淚遂取去過

車南族又有某將軍來鎮荊州見此詩起先生入署贈以千金帑木民云

游茅山

前年游朱明今年游華陽洞天無人瑤草綠春風吹出
雲茫茫君不見何家九鯉湖江郎三片石雞犬飛升未
必仙弟兄且羨離塵迹三峯橫秀出朱樓下見長江入
海流扶桑東指白日暮桂樹西笑明河秋平生骨肉抱
隱憾幾日少年成白頭君不見古來英雄不得意乞就
丹砂亦游戲道逢白鶴是三神我欲相隨朝玉真

牟將軍寶刀歌和木民

將軍名大寅利川縣人先世屯籍其族有文綬
者有功明末累官太傅川湖討寇將軍封鳳衛
侯順治十六年滇黔川省尙阻
聲教獻忠

餘孽爲寇利川將軍年十四與同里陳公世凱
統眾殺賊賊披靡因獻策於四川總督李公國
英從征巴巫諸賊有功授浙江金華協副將康
熙十七年耿逆亂閩遣其黨僞都督包大生突
犯浙界將軍連戰獲捷以功授定海鎮總兵官
時陳公亦任溫州鎮驍勇敢戰聞逆皆憚之呼
爲牟老虎陳鐵頭後陳擢浙江提督將軍擢松
江提督加將軍銜未幾卒

予祭葬給世廕

道光壬辰予來鄂渚遇利川明府王君汝涉爲
言其略如此明府出將軍寶刀見示長三尺光

芒不可逼視曰此將軍所佩以殺賊者今解以
贈吾子其歌以紀之且言其後裔式微甚亦不
知其祖尙有世廕者將爲請之大府先是有客
鬻寶刀明府以百金購得之乃舉以示其裔泣
曰此眞先將軍物也失去久矣公何由得之嗚
呼以將軍之忠勳蓋世而通志不爲立傳名氏
僅附見世凱傳中其後嗣又復以微弱不能保
其先人手澤 國家賞延於世之典弗克承
受而將軍之名漸就漸滅焉亦可慨也明府一
試爲令簿書期會日不暇給尙能汲汲表彰其

地之先賢亦庶幾異於俗吏之所爲哉此木民
原序也余至金沙木民言諸故人皆有作余不
可無詩然刀已轉贈紱庭公子矣率爲和之

龔侯示我寶刀歌刀我未見歌奈何男兒快意封侯報
天子胡使死去姓字俱銷磨嗚呼牟將軍爾乃磊砢英
多人此刀曾敵百萬眾至今流落蒙埃塵憶昔

聖朝始受命四海猶聞笳鼓競巫峽高峯蔽日昏仙霞
強弩穿雲勁將軍躍馬橫刀來人馬影合刀光開滿空
血雨洗刀出將軍下馬方徘徊當時意氣猛如虎諸將
徒嗟邊月苦鐵鎗獨數王彥章雄劍眞歸張壯武後先

轉戰成奇功

帝命專閫長江東大星一夕墮江水此刀慘澹餘悲風
何年更出鄂渚上虎氣騰驤裂鞘韞將軍名泯刀獨存
主宰出贈語悽愴吾聞令公第宅爲僧居曹參子孫或
乞餘古來將相勳名且如此將軍事往毋嘆吁侯不見
頻年水患東南徧民困爲暴廢耕佃願侯循良繼渤海
冀羨凌煙腰羽箭

附原詩

霜清月黑風怒號主人宴客出寶刀滿堂動色相傳
看寒芒凜凜森毫毛刀長三尺銜星文誰其佩者牢

將軍明鼎已淪

聖人出黃巾餘黨猶紛紛將軍忠勇世無匹十四提
刀便殺賊轉戰巴渝夔萬閒揮刀如飛賊皆北閩海
妖星動俄頃狼奔豕突思狂逞賊氛直繞金華山兵
氣早挽仙霞嶺將軍此時建旗鼓怒目橫刀督戰苦
十盪十決氣無前賊膽皆寒呼老虎沈沈白日生旋
風刀所過處袍爲紅神物會須報知己乃與將軍成
大功功成

天子喜非常斗大金印出明光正煩秉鉞麾諸將忽
痛騎箕返帝閭將軍一去百年久此刀流落人無偶

主人百金購得之拂拭光芒射牛斗酒酣持贈意不
薄謂刀得我刀有託對此意氣忽飛揚使我封侯夢
欲作空齋一日三摩挲刀今當奈將軍何短夜匹馬
男兒願誰唱扶風豪士歌

十三夜發舟次早至常州

向晚金沙岸三茅天際晴仙雲流片影隨我渡江城春
夢梅花暗署中綠萼梅方華余頗戀之詩懷水月明人閒思玉局不

見艤舟情

無錫

澹煙濃翠映城頭畫裏風檣水上樓到眼依然有秋思

惠山雲氣一江流

癸巳八月過此值風雨望惠山雲物可愛今亦爾

元夕泊舟閶門因憶十年以來惟丙戌癸巳此夕
在里門乙酉在邵武丁亥在京師戊子夜行常山
道中己丑在博野庚寅在福州辛卯在安慶壬辰
在京師翠微山寺甲午在萬安舟中而今在此未
知明復在何所也慨然口號

蕭蕭煙雨暗孤篷燈火閶門特地紅愁裏最難忘歲月
酒闌偏易憶英雄死當骨化邊城草生已魂銷夜水風
來日不須還悵望九州浩蕩一飛鴻

吳玉松

雲

先生招同顧杏樓

元愷

吏部朱茗生

榆

工部同年小集賦呈

丈人八十九豪氣如少年一飲常百杯賦詠率自然何
知身後名擾擾空雲煙晚達早挂冠茲意誰能傳平生
數舊游大半凋林泉後輩多公卿談笑獨閉關賤子偶
走謁慷慨許我賢置酒集嘉賓跌宕庭花前酒酣話者
舊大興與河開屢歎金叟直此義尤纏綿顧余獲見翁
毋乃有夙緣先生于前輩極言朱文正紀文達二公之賢惜余不見又言少客寶東臯學使幕與吾邑金先生榮錫極相得余因憶金先生常語人云學使幕中有蘇州吳君聰明絕世余時童稚聞人述而慕之不知即先生也茫茫塵海內過客輕風船歎老復嗟卑人情
良可憐翁懷洵磊落吾欲忘迤邐陳登之通守述先生與伊書有云僕生平

以歎老嗟卑大非俊始信黃叔度能使鄙吝捐飄寒風
物之語余聞而警然雨夕俯仰春寒天簷鵲尙不飛我去何翩翩古聞文潞
國亦有白香山丈人了不羈游戲適所便詩成等塵塏
醉語奚足刪

木瀆舟中見紅梅戲占

偶挂風帆問雪胎扁舟誰已載花回癯仙似我清寒久
也愛紅分鶴頂來

靈巖

江山聚朝氣秀色成雲煙春風忽吹動浩白搖吳天不
見太湖波但見湖中船青苔落明鏡數峰何娟娟目想

浣紗人體態相明鮮響屐迹已荒石上琴臺縣豔色傾
一世盛名流千年夫差亦何幸竟以西子傳行樂解登
臨雄豪固無前所恨用人際興亡乃忽然老僧慣吳語
揖客長松顛談笑數飛鴉萬事風輪旋

畢園

尙書際承平磊落能好土當其困不遇俳優乃知己及
夫奮風雲變化龍虎駛一鳴矯高翔眾鳥暗下視出持
西南節孤寒走千里名高衛將軍氣蓋魏公子紅拂或
逃楊黃憲終御李何嫌狗盜輩門下跋珠履是時武功
成文教

至尊喜大臣解承風後先競方軌小尹復短慮顧盼各
雄偉豪宕大興朱翁范稍倫比後進立聲名餘論出牙
齒由來說士甘共引蔽賢恥胡牀嘯秋月錦袍醉江水
落帽容孟嘉吹笛雜李委山川供藻飾歌舞亦閒起脫
手千黃金急難見師友自非久富庶中外安有此妖星
動楚氛辰沅徧壁壘牽牛顧織女流涕湘蘭死空歸嚴
公櫬誰設穆生醴諸老半凋零萬事錯泰否人才與世
運太息古相倚茲園負靈巖泉石照羅綺想見顧阿瑛
賓從一時美豈賭別墅棋

此園尙書後以歸虞山蔣相國家

如修洞庭

史

徐健庵司寇罷歸後于洞庭山開修明史

武溪魂不

爲此園相傳畢公常集賓客纂續通鑑

歸平泉花未徙我來間行迹亭樹苔蘚紫老梅亞松濤
蕭瑟雲煙裏坐閱益多故度支煩四海羣公抹過艱謝
客等敝屣頗思陳太邱道廣未爲鄙廉吏昔所難豪舉
今則已淒清淵沼咽寂寞春風始不聞漁父歎窮士可
行矣

穹窿

朝行出靈巖午霽來穹窿寒松闕天日陰泉半成風飄
蕭響落葉散入虛無中邈然悟萬化時過迹已空道人
鍊金骨化爲蒿與蓬卻同話茅君指點三青峰擾擾宇
宙內何許非沙蟲迴舟一孤嘯江上聞疏鐘

至光福泊舟

煙雨入湖光山水成變態扁舟漾清虛渺與輕鷗對岸
花靄如積漁市遠已晦蓊然雲氣多浩想去帆在冥涉
道易孤靜觀迹互代夜至聞疎鐘浮圖隔雲內

古柏

司徒廟中七株柏其四天矯如龍蛇何必摩挲感人代
出門揮手卽天涯

銅井山

我行香雪海萬花何濛濛曉色始欲煙春氣藹在空雲
端見茅屋上倚石龕從仰攀得大觀遠眺長湖雄浩然

積水光浮動千青峰清暉可攬結變滅隨天風幽鳥啄
庭樹疎花墮寒叢道士話銅井人代零秋蓬獨有綈衣
仙高下羣相從便欲駕歸鶴不然踏魚龍誰能塵土閒
局促與世同

元墓聖恩寺

門前太湖色一半上松陰石氣變朝暮梅花成古今心
閒數風帆坐久換春禽頭白山僧在逢人話賜金

次韻奉酬芝楣方伯

余以扇索方伯書辱
以詩贈別因次韻

稽康敢詡雲中鶴朔雁低飛更河洛一鳴空復向炎州
千仞猶思集名嶽先生自是丹穴鳳出儀

聖世高樓託人間萬眾望文章願我離羣憐羽落春風
江上再相見欲別還堅後游約愧分竹實慰飢軀方伯
廉倖再三頗戀梅花守蕭索別後復生京華舊侶半鴛
始得辭謝鴛短翮欲追且前卻養成丹頂要有時百鷺鳥何如一
鶚

附原詩

松寥山人清如鶴蚤歲才名噪京洛天生此筆非偶
然掀翻湖海搖五嶽萬卷撐腸目若電吟展所到多
寄託嶺南寄我新詩篇瑤華入手珠錯落竭來擬作
鄧尉游風雪恰阻梅花約忽然思返剡溪櫂惡札轉

向羈官索勉成韻語志別意留之不得誼難卻三山
白雲暫歸岫爲霖看趁九秋鶚

過吳江

士女嬉春夜趁燈去舟澹似病餘僧十年鬢短心長客
躍馬沙場夢可能

舟中作寄少穆中丞

三年開府三吳地白上髭鬚鬢有霜豈謂敬興工奏疏
直同子政告災傷

天高終鑒臣心苦民困將蘇

國運昌

壬癸之間江南北水潦饑饉甚劇余舟車所過
心爲慘然中丞劬勞撫卹井甯以狀上聞

思伯子堂詩集卷二十二

三

上特爲酌減歲漕去秋竟爾有年從古人才資世用江
今春余所過州郡人情稍安帖矣
湖回首獨茫茫

泊平望聞笛

夜水兼天暗湖風擁雨深孤舟橫笛外一夕警沙禽

嘉興

吳越一帶水吞併宜忽然會稽阻江流重山蔽其前句
踐足自霸况乃陰謀專所恨出下策保國因嬋娟漢唐
踵故智和親尤可憐秦塞控天下河關金湯連得人慎
戰守中國何患焉窮兵燬內禍藉彼兵甲堅辟若引虎
狼攫我豚犬便公主望
雁哀斷琵琶絃草色不忍白

紅粉歸何年徒輸五湖上西子猶生全此實不仁術作
偏非豪賢信詔而黜胥薄祚夫豈延未必芻蘿人能使
宗社遷我爲後世戒興亡亦有天東風鶯脰湖水明花
照煙地應名秀州士多如潁川偶思長蘆翁詩筆雄且
妍安知共觴詠弔古搖春船

由石門至塘西口號

水氣上成雲天光下垂樹空冥合寒秀偶然與目遇孤
亭野店閒一鴉或飛去蕭颯聞風聲羣噪回墟墓悠悠
人家遠曖曖山態素煙雨忽蔽之濛濛不知處時見柔
櫓行每與吾舟語越音與吳音約略辨差誤野人久爲

客靜坐若有悟東南暝色深掩映乃如曙

游雲栖作

曰余邁多難放浪游江山悵然千里倦欲息無由閒清
晨發孤櫂暫泊依澄灣緬懷蓮池師超世離憂患遂避
樵牧徑遠叩煙霞關峰迴勢窈窕豁折聲潺湲綠雲氣
蕭蕭萬竹飛流閒空香泛齋廚積翠靈經壇落花媚晝
雪啼鳥生春寒心知清淨理迹滯塵埃艱修篁自解脫
粉糝遺斑斕不知寂滅土何用莊嚴觀蓮池大士法身
以沉痾爲之寺
僧言系師在日所
塑又有銅像一行尋麋鹿嘯歸謝薛羅攀已矣百年
身辟彼風中湍

桐廬江行口占六絕句

江雨濛濛江霧垂山如眉
嫵睡慵時空江兩岸人家冷
開徧梅花知未知

千嶂空寒一去舟酒痕詩夢話
沙鷗春風吹過都無迹

暮雪梅花誰倚樓

丁亥十二月壬辰十一日皆于桐江阻風雪今來二月而四山積雪猶在

九里洲邊花自開
歸雲冉冉過江來
白頭刺史黔西道

詩料如今別費才

歷歷亭臺白粉牆
江頭小縣枕波光
風帆過處明人眼
一陣鴉來天勢長

磊砢高崖蔽亂峰
半垂雲氣挂長松
飛來千尺青天瀑

散落溪南野寺鐘

最無情緒是春蕪新綠芊芊何處無七里灘中半煙雨

青山上下鷓鴣呼

桃花鱖

偶市一魚巨口細鱗色澹紅如荔子內衣舟人曰此桃花鱖也口號二十八字

絕好風斜雨細天桐江魚膾在尊前春來長徧桃花水
那得樵青理釣船

初五日夜泊七里灘次日過嚴州偶作三首

舟行日霖雨旅興成蕭條况茲千峯夕陡擁一水漂立
壁上夾天奔瀧下通潮炊煙午已絕瘴雲寒更驕漠漠
石氣清萬籟迴巉巉夜中孤篷閉壑谷酣笙簫燭昏神

鬼出風驟魚龍搖夢騎巨鼇背客星高可招嘗聞大隱
跡或在市與朝如何羊裘翁荒江狎漁樵

古人竟不作今人那得知耿耿千載心永夕笑且悲鳥
啼青竹林犬吠黃茅祠雨歇東方曙春山靄華滋遠望
見飛瀑颯沓長風吹倒垂濺天光曲湧翻雲漪十里九
煙雪空清屢然疑散爲水佩聲宛與瑤妃期吾纓未可
濯轉歎投竿遲借問道旁子飲泉應自知

嚴光隱姓字今乃名此州避之有不得貪者安所求營
營一世士高下自沈浮豈如楚漁父鼓枻滄浪謳東風
散飛雨溼翠明汀洲傾澗注石瀨陰靄藏山樓野人朝

食罷松下還飯牛牽驅出門去下飲前溪流牛鳴望鴉
飛父喚子回頭荷雨鋤與衰愧我行悠悠

晚泊

黯黯白雲高下迢迢青嶂有無數層寒氣初合百里空
光未孤野渡人歸雁去煙村帆落鴉呼濁醪且自斟酌
春望同誰歎吁

嚴州歌

嚴州之下千峰青桐廬水到錢塘平江光百里破飛鳥
落日天碧風帆明嚴州之上沙灘曲水清石瘦見叢竹
山遠娟娟塔映空黃鸝喚雨村煙綠我行到衢州乃爲

嚴州歌嚴州畫船無此多紅顏如花驕綺羅春來日夜
生新水花落隨流奈汝何

衢州雪望

二月春已半百花猶未開不知江上雪祇訝嶺南梅雲
凍飛泉斷山明獨鳥來且看故園近紅紫勸銜杯

新柳

水邊楊柳綠新絲恰似佳人初畫眉深淺更無人會得
春風惆悵曉寒時

十一夜舟發玉山

青天出雲月已低水車鴉軋聲滿谿煙蓬搖蕩不成寐

沙石激水風籟淒舟車九度厭來往起舞誰與聞荒雞
冰山雪海萬里路夜夜夢中迴馬蹄

十二日至河口作

一年今日又花朝綠滿江天舊柳條莫向東風訴春恨
夕陽山外水迢迢

叫巖寺

信州多奇山百里石蒼精茲巖尤突兀勢若勒奔馬寺
門擁老樹檐際俯平野青春氣空虛白日靄瀟灑方池
自鑿甌重厂誰構厦夜來風雨多佛背飛流瀉我來正
曉霽齋香鵲噪瓦四顧來徑危一舟絕壁下生人僻嗜

好往往命堪舍韓公發痛號頗疑非達者檣帆過眼外
歷歷若可把坐愛上流峰煙態浩難寫

自貴溪至建昌漫作絕句

明月依然照碧流故人不見獨維舟三年離合輕彈指

回首生平易白頭

癸巳過此時陸祁孫大令爲宰去年渠已謝病去矣

風雪連天去住難青山夢覺曉雲寒春來回首愁多少
落日桃花隔水看

東川

絕好樓元龍虎山千峰冰石閤靈關先生空向羅浮過

孤負丹砂咫尺間

清上

後港

村名峰連氣勢

將至後港一二里

排野人都解喚朋

有峽曰氣勢瀧

思作一宮詩集卷二十一
崖山如字勢斜難正崔嵬嵯峨亦復佳

後港有山巖奇
土人謂之朋崖

又曰排
衙山

百尺霜柯壓曲檐樹猶如此我何堪驕春桃李無愁思

恰似雛姬十五愁

湯家
店

出門四度玉盤圓兩宿金溪亦偶然千嶂沈沈夜光夕

小庭臥看月行天

金谿
宿此

去年十一月望夜
今二月望夜復宿焉

水郭山村帶夕曛李花處處皎如雲六朝名士風流態

最憶羊郎白練裙

后
車

燈火依然枕簟溫可憐舊夢竟何存君看月印前溪水

夜夜清光未有痕

宿梨樹橋
值其舊榻

國色含愁嬌病日才人失意困酣時風前帶雨桃花色
相見江天有所思

楊柳垂垂綠作煙桃花如綺李如綿東門春事無人惜

行盡斜風細雨邊

建昌城東門外桃李作花可愛

竹藪

五月廿五日白里心過竹藪偶憩酒肆主人問知余姓乃述余姓字云君家有某者此吾

邑讀書數一不數二者也今得官未
余無以應也漫作一絕自嘲云爾

處處勞人話姓名廿年猶是舊書生歸雲一片隨風出
曉絮人閒霖雨情

甯化

戀副高風不可追揚州太守賸遺詩孟詞命薄清夫死

獨望蒼山夕照時

連城

懷謝刺史嵩齡

東粵曾逢謝甫生
春風相送庾關行
梅花落盡無消息
冠豸山邊日暮情

上樂地

屬連城

峽口入亂山
雲峰互天際
千松蔽層嶺
六月墮寒翠
山高轉平曠
煙廬夾湖洑
湖中大石多
激水谷口墜
乃憶入村時
絕壑響溪聲
居人善釀酒
乞飲忽已醉
落日照瓜棚
風涼水聲至
潺湲盪孤抱
復有滄洲思

梅村

屬龍巖

稍憩嶺下亭復見亭外村松風夾澗水斜照明朱門飛
樓燦金碧太息如仙垣借問此誰氏野老難與言吾行
半天下樸儉風無存土木極雕繪珠玉窮中原人事自
困敝乃嗟天運屯前峯見夕鳥客子投籬籬偃仰竹屋
中醉歌忘渴煩奔走豈不艱聊復契道原

溪口放舟至漳平

溪口屬龍巖

密竹長松夾碧溪溪山曉靄互淒迷扁舟似過嚴陵瀨
無數黃鸝喚客啼

山氣流雲上壓天天光照水下成煙不知雲外吹無迹
夢覺涼風正滿船

蟬噪風林意已涼
重重絕壑每蒼蒼
石根牽纜穿山腹
木末亭臺盪水光

急瀨驚湍響似雷
客行見慣亦悠哉
夕陽天遠青山暝
城郭沈沈夜火來

食荔

漳平趙容夫
大令席上

大葉蠟枝亦復佳
中通外朗似奇才
不須粵蜀繁相較
且喜漳泉近易來
六月稻黃殷望雨
四方菜色忍銜杯
輕紅擘罷因惆悵
南海東坡正可哀

茶盤湖

我舟泝甯洋蒼莽入山腹
峰巒盡迴轉抱水折千曲
傾

崖對嶄絕斷峽窺鈴東天高浩多風白日閣雲木空光
盪蕭瑟微茫變蒼綠適來若在眼延伫渺離矚脩脩無
人跡幽鳥去相逐不知杳靄外何處響樵牧清暉歷昏
旦虛瀨雜泉瀑輟棹夜遂深村龙警林麓

馬山嶺

昨行發甯洋驟雨漲山谷村侵晨踰峻嶺涼意散炎燠
岡巒互百轉往往見茅屋門閉未開雞犬自嬉逐松
杉大十圍蒼翠合篁竹日出瘴雲生頃刻紛如沐空濛
萬樹暗徑微難辨足但聞怪鳥啼蕭颯旬風瀑煙中喜
人語荒店偶延矚仰睇天何低盎然蓋叢綠征夫正喘

息揮汗雨相續安知有下界曙色滿晴旭紆迴二十里
磴折及林麓嵯峨疊嶂高回望駭心目驚定詫踵頂飛
來免顛覆石多作餘怒扼水吼谿曲崩波跨危梁震撼
警游躡因思身世變險艱迹豈獨但憑忠信誠坦蕩忘
榮辱

至永安食荔次前韻

山氣初看欲夕佳倦飛如鳥漫論才天邊日逐孤鴉沒
雲際風盤萬馬來風月髯翁仍放艇海山仙子慣當杯
直須醉過桃源洞長劒何須斫地哀

孩兒峽

晨棹沙縣來夕達延津矣豈知孩兒峽頃刻有生死崢
嶸石對出怒濤慘神鬼一縱貪順流上泝船飄駛艤舵
觸破碎百物擲灘底存者十一微倉皇猶自理癡奴卻
駭叫聲竭手遙指攫篋鄰舟喧跣足逐沙尾篙工互詬
怨于我頻竊視知應畏誅詰癡立望江水斷檣與壞楫
寸寸浮波起慨然得解悟身世見成毀夕陽噪渚禽炊
煙動閭里招呼小艇載日暗那可止陰雲擁雷電急雨
驟飛矢奔投野店昏盜賊伺行李復乘微月去夜城榜
孤艤更闌風氣涼襟袖露如洗驚定歎喟多客久艱難
屢作詩聊自慰免葬魚腹耳

水口

輿轎避灘行，三日至水口。人情閱禍患，萬事那肯苟。誰知造物意，安危不容取。川平浪不驚，惡風乃狂吼。終朝阻孤篷，雲山擁杯酒。一宵可飛渡，六宿亦豈偶。艱難使歷試，怨謗吾何有。朝禽映渚花，暮蟬咽煙柳。曠然耳目清，乾坤一搔首。因憐累歲饑，苦旱望南畝。

竹崎關守風

極天風斷布帆來，日日長濤亦怪哉。甘載此江行欲老，四方何事志徒哀。猶將忠信盟魚鼈，不忘飢寒在草萊。久旱苦殷霖雨望，飄蕭莫更鼓陰雷。

鄉里艱虞日踵興一時大府各賢能何緣卻見三山日
乘驛聊扶萬歲藤杜牧罪言狂不減江淹殘夢筆無靈
衝飈濁浪荒碕夕悵望乾坤百感增

夜泊洪山橋

滿天陰雨夜瀟瀟橫笛誰家怨斷橋忽憶年時慣爲別
暗風吹淚落江湖

故人得失總關情剪燭誰同話短更江上青山相識否

一舟連雨滯孤征

去年九月劉西堂林价岩何杰夫葉

滯京邸杰夫則官平和末
應禮部試惟旬卿里居也

今春探梅鄧尉於司徒廟側金氏購得董文敏秋

思作一書詩集卷二十一
江漁艇圖一又有文敏自題詩云何處青山落照
邊淺沙歷亂走寒泉正如十月江南岸閒倚山村
泊釣船詞翰俱佳甚愛惜之茲以贈旬卿因次原
韻爲詩索旬卿和焉

意到村溪釣渚邊分明落照動飛泉不知家住江南好
紅樹青山日對船

展向濃香雪海邊生綃三日響秋泉春來更泊湖天雨
惟有梅花送上船

家在三山翠靄邊畫中著我好林泉披圖應憶秦淮月
秋色如煙雁墮船

君時以天開圖畫園館余每言及白
風土之樂蓋君嘗隨尊甫宦游於

此

謝孝知兄弟招飲席閒喜晤林大瘦雲因有此作
橫槊論兵亦壯哉海天形勝笑談來波濤日夜雙帆楫
今古風雲一酒杯指掌分明見金厦回頭飛渡失澎臺
嗟余短劍方無用爲汝高歌斫地哀

少小曾多國士知廿年空負九原期汀山夕照誰家笛
關塞秋風此鬢絲豈有罪言痛河北不無望賦感天涯
青樽紅燭雙行淚話到封侯轉自悲時六亭先生女婿官孝廉在座憶成
寅夏秋閒先生無事嘗與余登鼓山望海因備言吾閩形勝

同舟圖爲葉四季韶題

君與郭解元禮圖謝孝廉王溪茂子同舉於鄉同舟

北行因
繪此圖

誰看江天萬里流眼中崔李卽仙舟他年共跨金黿背
指點三山海上秋

閏六月十五夜同孝知蕙卿集飲臺江酒樓卽席
口號

雨霽碧天高月來盪江水萬變入蒼茫談笑見千里倒
影一高樓蓬萊失尺咫魚龍眩光怪蜃氣切雲起散爲
長波濤聲落橫簫裏先生坐歎息身世有如此不知太
古來何人茲徙倚夜長月欲去酒罷客所恥一劍對江
神我醉神應喜犬星照歸鞭颯然天風駛

趙丈藤庵

建封

以松月圖篋索題走筆書之

其人謾謾如松風手攬明月歸胸中下視三山見滄海
一笑欲問扶桑東

閏六月廿四偕梅友孝知孝至卓人炯甫瘦雲蕙
卿讌集小西湖宛在堂口號絕句四首

廿載湖田屢廢興故宮誰與問殘僧花疎人淡閒風日
雲白山青送酒能

來時慣愛寺門前嵐靄分峰水獨煙松氣自明將夕景
荷花最好欲風天

艇子沈沙對斷垣故人雲散况招魂水天閒話風鷗跡

已似揚塵劫後痕

花事如人奈老何
小堂取次得秋多
醉歸人散青天月
一夜紅衣冷素波

饒禹生同年屬題來鶴亭閨重九讌集圖次元韻
卽送其之泰甯

天涯賓雁年年見
倦旅登臨那能厭
憶昨騎馬出幽州

回首桑乾秋色徧

壬辰閏九月六日
余自京師南歸

一年兩度悵重九

此樂輸君故園占
鶴亭何似龍山奇
七子能軍角壇站
安知爾時落帽客
據鞍仰視燕雲倦
今來作客君亦孤
披圖可有詩情見
三山一夕盡秋聲
何處黃花對羣彥

一身俯仰但如此萬古飛騰亦似箭莫將尺絹苦摩挲
夢到空亭夜蛩咽江山佳日且陳跡過眼聲華何足眩
卻憐短棹泝驚灘天遣合離有餘戀杉陽到日又西風
新愁舊恨恐交戰願君莫漫憶江山猶勝黃沙塵撲面
句卿爲敦甫扇頭作山水甚佳敦甫索題口號六

韻

碧山紅樹尋常有那得飛來落吾手卻看瀑布奪明河
欲寫長江變杯酒孤雲自飛客自憩太古寥寥石蒼黝
自非吾子有仙骨安能坐聽春雷久朝來湖上快一醉
水榭敗荷擁衰柳翻思卻三神山下見秋濤冠蓋首

思伯子堂詩集

卷二十二

三

楊翠岩屬題燕臺鴻爪集

擊筑誰聞屠狗歌
青山跌宕酒場多
廢臺風色寒雲滿
銷盡黃金奈爾何

斜街小巷半櫻桃
燈影門前馬骨高
振觸人閒誰市駿
不堪聽到鬱輪袍

一紙飛傳油壁車
少年曾與話天涯
順郎可在何戡老
閒憶東京錄夢華

澤國重逢感鬢絲
旗亭縱酒負清時
更無人問黃河曲
莫悵孤鴻海上遲

君此稿不以示人蓋憂譏畏譏之意也故用曲江詩語以廣其意

喜士同至與之以詩

隣汝去余側於今已六秋秋風兩相見

去年見於此臨行送至洪山橋

短鬢獨何求酒客閒雲盡鄉心好月留惟應數來視更

與出郊遊

土同有親未葬予擬爲于郭外擇地

七月廿七日登天開圖畫樓慨然作詩

海天風色入新秋鬢短心長感倦游似有涼蟬解相惜
數聲先傍夕陽樓

天際微紅一角霞碧山西更有人家月殘風曉催秋早
不見湖陰白藕花

石瘦松蒼對寸心夜蛩何意學孤吟蕭蕭一片風吹竹
始覺秋來已許深

四海今餘幾故交分飛夕鳥各營巢對他獨覺無歸處
欲問明夷第五爻

姚慎之託鉢圖

八月三日

南能

謂石甫

宗派自黃梅

謂惜翁

嶺上誰將衣鉢回願汝曹

溪尋勺水江湖行脚好歸來

林瘦雲游太姥山圖

東臥岱宗雲南聽羅浮雨北踏太行雪或醉嵩洛野平生
慣浪跡萬里若庭戶長劒氣摩天短衣倒跨馬忽忽
時歸來江山在筆下林君頗好奇爲我述太姥邱壑歸
胸中紙上無寸土想見招天風長嘯百靈舞容成骨朽

畫方朔亦漫語安用寫嵐翠此意好終古君嘗帆滄溟
蓬聞了可覩神魚銜赤日夜挂珊瑚樹中有李白魂騎
鯨去何所吾欲一問之乾坤謝游侶

劉炯甫緣天譚藝圖

炯甫今年聚徒甚盛其講學處有芭蕉亦可喜故繪圖而

屬爲

詩

蕭蕭綠天風渺渺涼秋心是如滄海上別契成連音我

欲竟孤調山水高以深願君似學士磊石成一林

朱竹君學

士最愛芭蕉其督學吾鄉於試院徧種之又任福州使
院令門下以石爲贊人各一石鐫其名於石上聚爲假
山今使院三百三
十有三士亭是也

八月十五夜聞中口號

思伯子堂詩集

卷二十二

七

冉冉秋光二十年，棘闈相見十回圓。何曾長坂思良馬，

乍感涼風到病蟬。

是日病

跋扈飛揚千載上，淋漓跌宕一

樽前。卽教斫卻月中桂，玉斧多時恐化煙。

阿婆三五少年時，西抹東塗也可嗤。長劒尙思生出塞，
短衣乍可醉搴旗。文章老我知何用，風露驚秋且莫悲。
昨夢廣寒親顧曲，素娥相對畫長眉。

乙未八月望後五日偕家心齋謝碩甫許德遠作

朋陳玉壘

用賓

四君子游鼓山口號賦東

亂山自西來，江海更東逝。奔峰聳天闕，對挾雲旗勢。青
蒼互南斗，高下浩一氣。日出散魚龍，千帆渺煙際。傾崖

咽水石老樹忘年歲松濤喧虛空颯爽長風至逝日既
已多來者知何繼是如萬籟音作止自相次孤懷慨今
古卽目有仁智大化日流行吾猶跡象滯冥冥谷鳥叫
窈窕綠蘿翳墮繹掩陰溪誰能惜根蒂勉爲吾友告葆
此靜中意一瞬見滄桑何須論千世

送德遠玉鬯歸建州

酒半燈前意可思思量何事足吟詩烏君山色黃花月
盡是當筵惜別時

八月廿七日蕙卿老弟索詩回走筆作歌贈之

君不見虬髯昔日航扶餘樓船百道窮海趨中原談笑

棄不顧王侯將相眞區區又不見子房報韓願已畢欲
事赤松還託疾如何商山四老翁無端乃爲漢家出龍
潛虎變各有時鴻鵠一舉誰得知青天偶然墮片月照
人懷抱長相思思子南山南思子北山北山谷無人豺
虎號風雪天寒不得食飢鳥側翅噉雁哀山中人兮其
歸來我將與爾遠蹈唐陵漢寢之荆棘或則散髮窮海
重銜杯胡爲乎身落三山足不萬里甌越成敗乃豎子
笑問西湖一勺水夜來長劒作鬼語落葉瀟瀟亦如雨
千年恨血不能平四聽寒蛩悲欲舞清晨叩門發我歌
惟子知我商聲多耿耿一寸心中有九折之長河又有

聲礪萬石不可磨古來英雄豪傑死去將奈何

爲葛節母鄭孺人作

忍死看兒在艱難極畢生可憐國士意同此託孤情成
敗天何問幽貞石可盟人間聽烏鳥誰識哺雛聲

旬卿爲梅友扇頭作溪山新霽圖梅友索題因贈

手披鰲頂雲眼明鑑亭水千葉妙蓮花猶如大弟子四

眾盡作佛墮落吾與爾

在歲甲申乙酉同受業陳恭甫師者多得利第去

秋風

昨夜至滄海曠千里登高望神山仙人亦泥滓舌在笑

譚雄酒渴江山偉百林浩傾瀉安知塵世土頗憐萬口

飢旱潦災繼起

全閩去年大饑會城水災尤甚爲百
年所僅見今夏秋之間亢旱甚劇

見何二室詩集卷二二二
鬱霖雨心仰天問何以故應老方筆寫作田家喜如聞
簷溜聲晚稻活不死漁樵趁日出醫芥各料理此境何
時無今年盼未已朝廷有丙魏我輩愧崔李且擁宮錦
袍帆月笑相視霸氣雲飛揚澤國波渺瀰醉呼龍出游
懶不設釣餌是日約同飲於
釣龍臺側酒樓

八月廿八日惠卿招同仲勤旬卿小汀集飲臺江
酒樓卽席書仲卿扇

渺渺澄波似漢臯涼風水閣響檀槽誰知痛飲高樓上
平見神山十二鼇

虎門秋色隔江來百道樓船傍廢臺天地青蒼見帆影

酒人間話霸王才

啞啞鳬雁水爲家看取江頭艇子斜轉惜尊前滄海客

不知樓外卽天涯

時有琉球人歌呼集飲於此

潮落風來水有聲布帆直欲渡滄瀛羣仙抗手逢山上攬得青天皓月明

蕙卿復出扇索題再寫一首

風日高秋迴江山倦眼明一尊對飛鳥昨夢踏長鯨野闊海無色潮來天有聲蒼蒼虎門外誰看宿雲晴

八月廿八日夜作

是夜於寓廬天開圖畫樓觀彗星長丈餘慨然賦此

旱潦頻相繼

連歲吳楚閩粵水災甚劇今年直隸山東吳楚閩粵甚旱而粵西江西復蝗

山干

戈幸少休

連歲四川夷匪滋事今年山西趙州亂民戕官謀逆方喜就平

還驚天象在

獨悵夜山秋

帝自求民瘼人誰體國憂乞

恩徧邊吏嗟爾亦何求

壬辰臺灣民滋事大吏以此爲屬吏功請賜餉甚廣兩年來

閩中所見官吏大都有餽者也